

Ballangqaad

Waaahthy Walbarashathy Oregon waliba ku go'hony abuurowky deeghaang walbarashy o amaang e o taayery ing le dhamaang ardaythy. Hathafkaany walibuwa ini uny awood siiny ardaythy, ma'alimiingty, i waalidiingty yeetho lyng marrow aqabky i aqoongty si yo ing gorrothang, ingku hortaghang, waany ingku fal naghang hangdadaady, dhibaateeyowky, obsygilliyowky, i handadaady interneetky o ky dhiyow iskuulathy. Uny o dhiirigiliyaany dhaqangky ihtiraamky, isdhahgalky, i nahariisty, waliba ujeedkaany eya ini uny hubiiny ini arday kasty usy dareemy qiimeyow, ihtiraam, i amaang si wal ing barathy o ing deery awoodis ingky sarreeyty. Wathajir, waliba dhisyy korne jawi iskuul o feyly o arday kasty dareemow ini usy ku tirsinyi.

Khayraadky



Ha niily Hariir

Waaahthy Walbarashathy o Oregon (ODE)
Kooohthy Iskuuliyaalky Amnighy i
Isdhahgalky
ode.sis@ode.oregon.gov



Ku hortagy Hangdadowky



Hogty lyngky talagali
Waalidiingty i
Daryeelayaalky

Ey lyly hathaly korry si Lyng Helly Taayerry

- Guud ahaang, haddi hangdadaady ky dhiyaasy fasalky, waliba ingky feyle ini marky horry lyly hathaly ma'alyngky ardaygha.
- Haddi ety haalad hangdadaad e o ly hariirty iskuulky, ly hariir maamuleeghy iskuulky/maareeyeeghy dhismythy.
- Hog gaar ahaaneed o degmythy, tihraa siyaasydy ky hortagy hangdadaady o iskuulky degmatha, taas o qeehasy masuuliyaddy iskuulky o qaabilysyng hellowky warbihinythy noo'aas e.
- Ku warrang haddi iskuuly hangku jawaabahaayny/ing sheenany hal?
 - Dhamaang iskuulythy degmooyingky waliba shar'ighy ky waajibiyay ini yo weeldhythang siyaasyd i habraa abashy e o dadwiinyghy helly korrang. (Sawir koodhky QR-ky si athy ing helly hog dheeraad e o ku saabsyng mowduu'ghang.)
 - Fiiry Gaar e: Sababy ly hariiry shuruudo shar'ighy o ku saabsyng qarsoothythy, iskuulky waliba luku yaabe ini usy ing awoodny ini waalid/daryeelyghy ardayghy ly beegsythy o siiyi hog gaar e o ly hariirty tillaabooying edbiyow e luku qaathi arday kaleed.

Talooying ly Tihgilliyow Marki Lyly Ta'aalow Haalad Hangdadaad e

Haky dhiirigili ardaytha ini usy raha habra'aghy ROOJI, SO'OY, oo HATHAL:

ROOJI: Haddi ye amaang ety ini ly suubiyi, ing sheeg ardaythy walyeelythy jeysythow ini yo roojiyang dhangkaas.

- Ky tababar ardaytha sithy lyngky sheeghow si deggan laakiing si athag ini qof kaleed roojiyi dhaqangky lyng fathaany. Hasuusi ardaytha ini yo ingky jawaabang hathal haang amy ga'ang ky hathal ahaang ing bathangty ini ye sii humaayty haalydy.
- Haddii dhaqangky lyng fathaany sii so'othy, ing guthub tillaabythy higty.

SO'OD: Ku so'oy haalydaas o ing guthub meel amaang e.

- Ly wathaag ardaytha sithy o ingku dheerathy korry dhaqangky lyng fathaany i sithy ky bahowky haalydy walyeelythy le ing ety heelyd waltar le.
- Haddii dhaqangky lyng fathaany sii so'othy, ing guthub tillaabythy higty.

HATHAL: Ing sheeg qof wiing o lyky kalsoonyi walyeelythy dhiithi.

- Marki lahaku taby ly wathaagowky waalidiingtiyo, waliba feyle ini arday ing sheeghy haalydy hubno shaqaalyghy iskuulky, si iskuulky ingky dhaqaaqy si degdeg e waany ingky hellang hal ky habboong.
 - Kulu hathal ardaytha hubno shaqaalyghy iskuulky o yo ky kalsoosinying o ly wathaaghy korry welwelythy.
 - Ardaythy waliba sithaas oo kaleed ing sheeghy korrana dha'athooying hangdadaad dadky wywiing o lyky kalsoonyi o ku bahsyng iskuulky, haanas o ky aawiyi korry ini yo ly hariirang iskuulky si wathajir e si lyngkyky helly hal.
- Ardaythy waliba ku welwely korrana ini ky wargilliyowky hangdadaady ye sheeny korty aargoosi ku kooyasy arday kaleed. Hasuusi yo ini shaqaalythy iskuulky had i jeer yo dadaal ing galy doonang ini warbihingtiyo luku qariyow ardaythy kaleed si ye ing haaty to qarsoong.
 - Hasuusi ardaythy ini yo mar welby si qarsoothi e yo ing gudbiyi korrang welwelsho ly hariiry hangdadaady (i walaaghi kaleed o ly hariiry amnyghy) yeetho o atheegsythaayang [Safe Oregon Tipline](#). Haddi yo haalydy si qarsoothi e yo ing gudbiyanag, ky dhiirigilli ardaythy ini yo biyang faafaahing bathang o suurtygal e, maadaama shaqaalyghy iskuulky o hellow warbihingty yo ing oghaathy korny langki lyly hariiry korry si lyng helly hog dheeraad e.

Ky dhiirygilli ardaygha ini usy noqathy "[difaa'aghy sahthy e](#)" marki yo araghang haalyd hangdadaad e, haddii ye amaang ety ini usy tillaaby qaathy. Difaa'aghy sahthy e walibuwa "qof hathal amy fi'il ky taayerow qof amy arring gaar e, gaar ahaang qof ing bahow ini usy ing gargaary qof ly hangdathow amy ly dhibaateyow."